

蒙兀兒史記

結一宦主人自題

書

卷之三

楊完者陳有定列傳第百十二 蒙兀兒史記卷第百三十

武進屠 寄纂

楊完者。本名道貫。字彥英。完者其賜名也。

蒙兀語吉慶曰完者

武岡綏化赤水

人。本宋十洞首領之裔。非苗族也。性陰鷙嗜斬殺。溪洞猺獠服其果敢。有智略。羣推爲酋。至正中。沅靖柳桂諸猺竊發。達識帖睦邇以中書平章行省湖廣九年至十二年奏設萬戶府。統諸土司。以姚夢楨爲萬戶。會紅巾起。達識帖睦邇檄夢楨舉部勤王。夢楨聞。完者有衆。習擊刺。遣使招致之。十二年四月。合其所謂答刺罕軍者。復武昌。漢陽。答刺罕蒙兀語自由之謂。其軍無尺籍伍符。無統屬。相謂曰阿哥。曰嘛綫。至稱主將亦然。衣裳斑爛。長不過膝。袖廣狹。脩短與臂同。袴如袖。裙如衣。總名曰艸裙。艸袴。固脰以獸皮。曰護領。束要以帛。兩端縣尻。若尾無晴雨被。蓋軍中無金鼓。襍鳴小鑼。圓徑數寸者。以節進止。完者生長苗中。與之相習。既克武漢。以功授管軍千戶。累遷海北海南道宣慰使都元帥。夢楨死。擁衆不受。誰

何節制。十三年從平章阿思蘭順流東下。緣道劫掠甚於盜賊。屯

江州使使至安慶索供億於淮西同知宣慰余闕勢洶洶闕怒縛

其使下之獄上疏奏止其行完者聽命衆稍戢明年奉旨偕平章

咬住守禦湖廣會張士誠寇揚州兩淮大震平章阿魯灰時鎮淮

西輟耕錄稱阿魯灰爲樞密院判或稱右丞此從本紀引完者以自援完者帥衆直抵揚州士誠退

還高郵苗軍入揚州大肆淫掠居民不勝其擾怒甚共起義攻殺

之完者以餘衆渡江屯廣德湖州閒十六年二月張士誠襲陷平

江時達識帖睦邇以左丞相行省江混治杭州有旨得便宜行事嘉興北連平江南去杭不二百里爲江混給喉有司乞援急星火

驛使交道不絕丞相兵寡策無所出乃檄完者戍嘉興

順帝紀命平章三
旦八與之同守

完者取道自杭以兵要丞相擢爲行省參知政事餉紩填募民入

粟空名告身數十道予之丞相又以王與敬攝元帥守松江與敬

據郡叛應士誠完者遣部將蕭亮員成往討與敬遁苗軍入松江

淫掠如揚州焚民居火經月不絕間平江軍破濺山湖柵亮成引

軍宵遁。松江旋陷。秋八月。士誠遣軍犯杭州。達識帖睦邇不能禦。

棄城奔富陽。苗將吳大旺自嘉興先鋒來援。戰不利。完者帥師繼

至擊走士誠軍。駐營菜市橋外。軍不入城始卽南村所謂完者愛民之一端乎

丞相乃還自富陽。

表遷完者本省添設左丞。

慶童舊傳作右丞。殆誤。

是役也。完者雖有完城功。然

軍無紀律。杭州人猶怨之。明年。士誠軍屢寇嘉興。均爲完者所敗。

士誠乃因降。將蠻子海牙以書乞降。始要王爵。繼要三公。完者請許之。達識帖睦邇不可。固勸乃表授士誠太尉。達識帖睦邇倚完者以制士誠。遇事姑息。不久爲完者所制。完者恃功驕恣。貌雖尊

事丞相。而生殺予奪。一切專決於已。丞相畫諾而已。命將宋興成

嘉興。自駐杭州。築營城北德勝堰。周三四里。子女玉帛在其中。時

人比之鄒鳴。然是時淲江以南。則有行御史臺鎮撫官邁里古思。

其西建德路。則有荅魯合臣古篤魯丁。皆蒞官有威惠。苗軍不敢

犯其境。完者號令第行於杭州嘉興兩郡間。且。完者用法刻深。任勢立威。而其幕府鄧子文金希尹王彥良之徒。又悉邪佞輕佻。左

右交煽氣燄翕忽達識帖睦邇漸厭完者陰結士誠完者本挾士誠以自重然士誠實欲圖完者而未發也會徽州建德兩路爲朱元璋所陷完者出師屢失利威望日衰又強娶平章慶童女爲時論所不直達識帖睦邇遂密與士誠定計除之揚言使士誠出兵復建德左丞李伯昇行樞密同知史文炳同僉樞密呂珍皆士誠將而受職朝廷者各以兵至完者安坐德勝堰營懈不爲備突受圍攻大窘遣吏致牛酒於史文炳爲可憐之意曰願緩須臾毋死得以底裏上路上路猶
上達弗聽完者躁怒如獅吼沒死奮鬪卒以衆寡不敵盡殺所有婦女與其弟伯顏皆自剗而死獨慶童女先日歸寧在海寧時其父慶童以平章鎮海寧輒耕錄云慶童女先往富陽殊誤得免慶童女已嘗許嫁親王完者艷之強委禽焉至是未周三月故數其臯者此居首完者旣死其衆開營出降文炳解衣裹完者屍瘞之祭哭盡哀十八年秋八月也宋興在嘉興間完者死閉門自守亦攻降之完者旣已犯分貪財好色然忠勇敢戰爲紅軍所畏忌旣拜省官榮寵踰望頗思

以討賊自效無它野心。唯所將苗軍行同禽獸不受約束。所至爲害。怨歸主帥。一旦受攻。死非其辜。爲國憐才之士。猶有哀之者。完者既死。士誠兵遂據杭州。不數年而達識帖睦邇竟爲士誠弟。士信所逼逐。幽死嘉興。後朝廷念完者之勞。追封潭國公。謚忠愍。其弟伯顏衡國公。謚忠烈。完者部將曾華。亦武岡人。累功僉廣東道宣慰司兼都元帥府事。戍浦陽。嚴戢部曲。四門置守。非軍令不妄出入。嘗以軍事應完者檄。召至杭州。事畢一昔而去。不間人馬聲。其馭衆過完者遠甚。浦陽人德之。爲立石縣庭。

陳有定一作友定字安國。福清人。徙居汀之清流。少孤貧。傭於橘洲富家羅氏。雖病瘍。而器宇魁岸。有權略。羅翁奇之。欲妻以女。嫗不可。曰。吾女寧嫁瘡頭郎耶。有定因求失鵝。露宿鄰邨王氏之門。其家夜夢虎踞晨啟關。見有定以爲異。召而飲食之。畱爲贊壻。分貲命習商販。有定任俠喜交遊。不知居積。未幾盡喪其母財。大困。投身充明溪驛卒。同輩多服其勇。沒紅巾起。舉國騷然。清流接壤寧化。其

縣土豪桺順擁衆據曹坊。至正十二年，順黨八十人索馬明溪，有

定給以酒。半酣收其械，掩殺之。順怒，自將步騎千餘來襲。有定令老弱守寨，簡丁壯五百與其侶賴政孫通胡螭帥以伏山麓。伺順

至，突起狙擊之。賊衆潰走，乘勝進屠曹坊，獲順以歸。衆推有定爲

寨長。十七年，汀州府判蔡公安署爲黃土砦巡檢。

鄭造卿海嶽存稿平章
陳有定傳作明溪巡檢

此從明史本傳剗鄰境寇壘數十，因險立寨三，曰南北，曰石龍，曰平安。自駐

平安，廉訪僉事般若帖木兒表爲清流尉，尋升令。十八年冬，陳友

諒將鄧克明陷汀州。

十一月
癸卯

行省假有定、汀州路總管禦之。二十年。

敵圍清流，有定自平安聞道夜襲之，破敵黃土砦，追至寧化。清流

圍解，繕崆峽嶺關成之。二十二年五月，有定復汀州，鑿九龍潭石。

以利水運。時鄧克明胡廷瑞再陷邵武延平，進攻建寧。建寧將阮

德柔嬰城固守。十有八旬，城中食且盡。平章完者帖木兒檄有定

援之。有定輕騎數十，冒圍入城。

癸卯

守者譴曰：「陳總管來，吾屬生矣。」

時敵連營數十於城西北。有定叱德柔開北門，出奇兵，焚敵櫓檻

山砦還奪水南砦。蹙敵凌角塘萬安洲踐溺死者千計。城圍立解。別將孫通等復建陽崇安浦城。有定自將復邵武及其屬邑。賊度杉關遁去。自此友諒不敢復窺閩。經略使李國鳳上功。有定第一。超擢福建行省參知政事。有定辭。尙書李士瞻以使事在閩。勸之。乃受命。二十五年正月。有定出師渾東。時朱元璋已稱吳王。陷處婺。駿。駿犯閩。有定攻處。爲其州降將吳深所敗。五月。深與朱亮祖。祁興耿。天璧等帥師三萬入閩。五戰陷浦城。守將張士玉被執。進陷建陽。有定自建寧遣阮德柔以兵四千屯錦江。遏敵歸路。深同軍擊破之。正逐北聞。有定帥牙將賴政桺百順以銳卒二千奄至。突擊深。德柔同戈夾攻。深馬蹶被執。朱亮祖正攻崇安間。深敗引軍退保紫溪。有定初得深。禮遇之。無加害意。深從容引竇融歸漢。事諷之。有定笑曰。公已被執。乃反誘人不忠邪。元璋遣使以良馬金幣議贖深。適大都宣差至。趨有定殺深。以明無貳。乃并其使殺之。二十六年。有定平興化泉州番寇之亂。先是義兵萬戶賽甫丁。

叛據泉

事見十七年三月本紀。賽甫丁蓋本波斯舶商互市來泉助攻土寇因授義兵萬戶者。

平章普化帖木兒起前江淛

平章三曰八前總管安童分省興化討之

十八年八月舊紀云江淛行省平章政事三旦八遁於福建先是三

旦八討饒州貪財玩寇久而無功遂妄稱遷職福建行省爲廉訪僉事般若帖木兒所劾拘之興化路海嶽存稿云然者蓋自拘所令其戴臯圖功自贖也

賽甫丁賂亦思

法杭番酋阿迷里丁襲陷興化

亦思法杭波斯城名見西北地附錄海嶽存稿作亦思巴奚又作亦思八夷阿迷里丁蓋亦舶商之

互市於興泉聞者執三曰八安童遁免阿迷里丁大掠還泉莆田林德隆惠

安陳從仁竝禦寇有功朝廷授德隆興化總管從仁同知府事二

人不相能從仁計殺德隆德隆黨復殺從仁從仁之弟同及其跋

桺百順與德隆子珙部將許瑛治兵相攻同乞援於漳州總管羅

良珙乞援於阿迷里丁及賽甫丁兵迭至興化遂大亂賽甫丁又

自泉州航海襲陷福州爲平章燕只不花所敗帥餘衆還據泉州

事見二十二年

五月乙巳朔本紀而亦思法杭別酋阿巫那

蓋亦舶商之名殺阿迷里丁敗陳同等殺掠

尤甚皇太子聞之命孫觀爲右丞分省於泉阿巫那始頗聽令觀

處分乖刺仍桀驁不可制桺百順乃與林珙釋私憾合兵拒阿巫

那阿巫那遣其黨白牌

句馬合謀金阿里

皆天方教徒之名擊殺許瑛暴

兵海壩

其人本船居者

行省檄有定討之。是年四月。有定揚旆而南。桺百順

本有定。有定子宗海領兵夜入此門。番酋不知也。比曉。忽見西南二門開。正相顧愕眙。而城兵整隊出。旗服鮮明。益莫測。何來懼而思遁。宗海直前薄之。番兵未及舉槍發矢。卽大潰。殞屍千計。追禽白牌等斬之。是日。有定至。撫集軍民。完復路治。百順在城中聽令。同及珙亦各帥所部受約束。有定遂命宗海督百順及同等陸軍合珙舟師進取泉州。躬帥大軍繼其後。未至。泉人執阿巫那及賽甫丁迎降。事在五月一酋伏誅。興泉罹番寇禍。延十載。至是始平。七年丁酉三月。賽甫丁始叛。至是年丙午五月事平。凡九年有二月。二路之民深德有定。八月。朝旨進有定福建行中書省平章政事。行右丞事。將佐授官進級有差。於是有定脩城浚隍。繕甲利兵。力備戰守。以延平險固。置分省自居之。閩諺金延平鐵邵武皆言其險固也。而以宗海守將樂。從弟子琦琦亦守建寧。分遣部將控制諸路。漳州總管羅良心不平。貽書諂讓之。有定怒。是年十月。帥師攻

殺良。遂并有漳

以其地勢完固鑿山以洩之而縮其城之西垣

凡平閩寨三百有奇。於是八閩之

地盡聽約束。又奄有潮州一路。有定起家傭伍。目不知書。既貴亦

不脩邊幅。常如布衣時。數招致文學知名之士。如廬州王翰。閩縣鄭定之屬。畱置幕府。由是粗涉文史。能爲五字小詩。亦有意致。然頗擅威福。阮德柔。自以朝廷舊臣。不盡受節度。有定不能容。德柔懼不自安。密通款朱元璋。請兵自救。未報。有定掩之。德柔戰死。桺百順。以破胡深功。驕蹇。有定忌而殺之。時陳同將兵守潮州。有定慮。同以百順故。必怨望。乃徵同還。處之福州。福清宣慰陳端孫。崇安令孔楷。及建陽人詹翰。皆以不遵約束見殺。獨行省都事藍光譽。譽持正。有定畏而敬之。一言不合。拂衣歸去。有定亦無如之何也。有定雖威震八閩。然事朝廷。未嘗失臣節。常言。元吾主也。當是時。張士誠據淲西方。國珍據淲東。皆號稱國家疆吏。至徵其海運糧。則屢不應命。而有定獨歲有所漕。不足。至會同行宣政院使朵兒。括閩中廢寺田租益之。浮海輸京師。

事見二十七年五月舊紀妥懽帖睦爾汗嘉

其忠。下詔褒美。賜賚稠疊。時朝命獨通於閩。故臣舊帥及江右士夫奔走國事者。多入閩。有定皆禮而用之。二十七年五月。朝廷特降空名宣敕數十道。遣使付平章曲出及有定。俾承制驗給有功者。勉以忠義。令牽綴吳師。有定雖受命。然亦不敢輕動。唯於建陽卽故閩越王大潭城址。增築爲備而已。時福州鼓樓鳴吻吐氣若煙霧。見者以爲不祥。先是朱元璋以閩事訪劉基。基謂有定守株虜。腹中無書。不足畏。方國珍負山跨海。可虞。旣平國珍。由海入閩。取之如反掌耳。是年九月。元璋遂命湯和。吳稹以兵三萬討國珍。國珍請救。有定恨其部下嘗誤殺閩海戍。不之援。國珍遁於海。已而降吳。於是吳以十月大發兵。三道取閩。一出建昌。以胡廷瑞嘗爲陳友諒攻閩知其地一出衢州。李文忠爲主帥一出慶元海道。湯和爲主帥。廖永忠副之。以方國珍所降海舟載兵。先遣使來延平。招諭有定。有定置酒大會諸將及賓客。殺吳使者。瀝其血酒甕中。與衆酌飲而誓之。曰。吾儕竝受國恩。有不以死拒敵者。身磔妻子戮。遂嚴兵邵武浦城。環福州築壘。壘間五十步輒築一臺。

爲守禦計。自提兵往來東西策應。蓋以爲吳兵自陸來也。十一月。

吳將胡廷瑞攻杉關。指揮賴政戰屢不利。退保汀州。廷瑞入關

三干
呈

寅遣將略光澤。十二月。邵武守將李宗茂。建陽守將曹復疇。各以

城叛降廷瑞

二日甲辰十
四日丁巳

吳別將沐英自廣信來。破分水關。陷崇安。其

大將李文忠以兵三萬攻浦城。浦城。閩之北門也。守將胡螭勇而嗜酒。恃勝不設備。閉關酣卧。吳裨將繆美。武德乘夜冒雨斬關入。螭醉起。手刃數十人。天寒。血凝刃。遂敗死。有定在福州。聞杉關浦城先後不守。大驚。命陳同以所部助平章曲出固守福州。自引軍還延平。分兵謀復邵武。建陽。而湯和等舟師已禽殺把海。指揮孫通程嚴。闖入五虎門。奄至福州城下矣。陳同挾桺百順被殺。宿憤。首出降。曲出戰敗而遁。福州遂陷。二十八年正月。吳王朱元璋稱帝。國號明。明師次建寧。同僉樞密達里麻與參政陳子琦議曰。敵兵自破杉關。鏟銳不可當。吾兵止萬人。以戰不足以守有餘。且儲粟甚富。宜固守以老其師。彼攻城不克。必退。吾因而乘之。可以得

志衆然之。胡廷瑞等圍城其日數挑戰不應。十日後四面急攻。達里
麻度不支。開門降。子琦被執。先是有定雖西失邵武。東失福州。猶
北特建寧爲聲勢。及是延平遂孤立矣。湯和旣取福州。命其指揮
孫虎督新塉軍鎮守之。乘勝自水口舟騎竝進。直抵延平。隔劍水
而陳。廖永忠渡水攻西門。有定命參政文殊海涯指揮賴政出禦
之。七戰不勝。閉門堅守。湯和堰水灌城。有定徹夜巡邏。防遏滲漏。
和又使人奉明帝優詔招之。有定嗔目叱之曰。我爲朝廷守土官。
可以土地易富貴耶。將佐知其不降。請出戰。不許。數請不已。有定
疑其攜貳。殺蕭院判等數人。由是衆心解體。多縋城夜遁者。會軍
器局災。城中礮聲震天。明師知有變。於是徐大興門其東北。廖永
忠門其西南。同時鼓譟進攻。有定見勢已急。又聞李文忠胡廷瑞
兩路陸師且繼至。度不能支。乃集部將鄧益謝英輔等與泣。曰。大
事已去。吾一死報國。諸君努力。語畢。衣冠北面再拜。退入省堂。仰
孔雀血而死。英輔與荅魯合失名臣亦具朝服北向自到。裨將賴正

孫啟關納外兵。文殊海涯等輿屍出降。至神武門。

明史水東門

大雷雨有

定一震而蘇。被執至集慶。時改慶明帝詰之曰。能降復汝官。否則伏銅驢。此從海嶽銅驢古炮烙刑也。有定厲聲曰。不降願伏銅驢。遂遇害。

或曰。有定之殺吳深也。使伏銅驢。明帝爲深子復讎。故亦以是施

之有定。且許深子鬱以祭其父云。福清參軍陳八義不仕明。藏有

定畫象。長身巨目。狀兒偉然。其家世祀之。宗海一名海。有膂力。工

騎射。從父削平諸賊功多。失其官延平圍急時。宗海在將樂。力不能援。

及聞有定被執。單騎來歸。自投湯和軍門。及是從父死。宗海雖將

家子。亦好賓禮文士。其至泉州。訪士人趙應嘉。應嘉說之曰。夷狄

爲中國患久矣。宜共驅除之。胡反爲之用。宗海然之。以告有定。有

定聘趙至延平。咨以時務。持論迂闊。且勸有定立九廟。有定笑而

罷遣之。有定旣死。其年五月。舊將金子隆起兵謀復延平。不克。退

保沙縣青雲寨。爲明將沐英所攻破。子隆死之。

王翰字用文。一

名那木罕。本河西人。先世以千戶鎮廬州。遂家焉。翰始襲千戶世

職用臺省薦。改除廬州治中。調福州路。三魁盜起。翰詣其壘。諭降之。遷同知。再遷理問。綜理永福羅源二縣事。泉州土官桺莽跋扈。連結旁郡。翰至。悉解散之。有定慕其德望。擢行省郎中。待以賓友之禮。至正二十六年。奏除潮州總管。兼督循梅惠三州。委以方面之任。國亡後。屏居永福山中十年。黃冠野服。自號友石山人。有上書薦之者。明廷聘至。歎曰。女豈可再適人哉。卽病不服藥。有司敦促就道。乃引刃自絕。遺詩友人吳海曰。昔在潮陽我欲死。宗祀如絲我無子。今年辟書親到門。丁男屋下三人存。寸刃在手不顧惜。一死了卻君親恩。翰性強介精敏。持身刻苦。歷官二十餘年。家無餘積。行政以愛民爲本。詩格淥亮。有友石山房稿行世。子稱有才名。蕭寅。吉水人。讀書有志節。陳友諒之敗也。其黨熊天瑞據贑有定。遣江伯昂往說之。欲與連勢謀吳。天瑞不從。伯昂還。寅道遇之。嘉其義。與之偕入閩。見有定尋去。游兩混。過金陵。歷楚蜀。就故封州守解。若鳳謀曰。吾觀羣雄。獨有定忠義可依也。復至閩。有定